

Ավարտական հետազոտական աշխատանք

Թեմա՝ Արժեքային համակարգի ձևավորումը
«Մայրենի», «Գրականություն» և «Հայ գրականություն»
առարկաների դասավանդման ընթացքում

Կատարող՝ Գոհար Ավետիսյան

Դպրոց՝ Հ.Ավետիսյանի անվան թիվ 74 հիմնական դպրոց

Առարկա՝ գրականություն

Կազմակերպություն՝ «Կրթություն առանց սահմանների»

Հ/Կ

Խմբի պատասխանատու՝ Անահիտ Չոհրաբյան

Երևան 2022

Բովանդակություն

Ներածություն.....	4
Գրականության ակնար:Արժեքներ.....	5
Ազգային և համամարդկային արժեքների հարաբերակցությունը և կարևորությունը նոր սերունդների դաստիարակության գործում-----	10
Ազգային և համամարդկային արժեքների դրսևորումը «Սասնա ծռեր Էպոսում».....	10
Եզրակացություն.....	15
Գրականության ցանկ.....	17

Գրականության ցանկ

1. Գևորգյան Ա., Ազգային կրթության դերն ու նշանակությունը սովորողների հայեցի դաստիարակության գործում, Երևան 2002թ:
2. Սարգսյան Ա.Յ., Մշակութային տեսություն, Երևան 2003:
3. Երևանի պետական համալսարան, Անճի հոգեբանության տեսական և կիրառական հարցեր, Գիտական հոդվածների ժողովածու, Երևան, 2016:
4. Սարգսյան Ա.Ա. Համամարդկային և ազգային արժեքները սոցիալական տարբեր ինստիտուտներում, ԵՊՀ, հոդված, Իջևան, 2019:
5. Հենրիկ Բախչինյան, Սերգեյ Սարինյան, Հրանտ Թամրազյան , Հայ գրականություն , Երևան , 2000թ.
6. «Սասունցի Դավիթ» համահավաք բնագիր, Երևան 1981թ.

Ներածություն

Հետազոտական աշխատանքը կրում է «Սովորողների մեջ արժեքային համակարգի ձևավորումը «Գրականություն» առարկայի դասավանդման ընթացքում» վերնագիրը: Թեման ընտրելիս հաշվի եմ առել թեմայի արդիականությունը և ժամանակակից հասարակության առջև ծառայած մի շարք կարևորագույն խնդիրներ: Արդի հասարակության համար կարևորագույն խնդիրներից է բարոյական, ազգային-հասարակական նորմերի ճիշտ արժևորումը, ազգային դիմագծի պահպանումը, նոր սերունդների գիտակցության մեջ այդ նորմերի ամրակայումը և դաստիարակության գործում դրանց կիրառումը: Յուրաքանչյուր ոք, ով ուսուցչի բարձր կոչմամբ մուտք է գործում կրթական միջավայր, գիտակցում է՝ ունի իր ուսերին դրված առաքելություն՝ այն է կրթելու և դաստիարակելու հայրենիքին և պետությանը արժանի, պատվախնդիր, բարոյական, ազգային և ավանդական արժեքները համամարդկային արժեքների համադրմամբ առաջնային և բարձր պահող անհատներ: Յուրաքանչյուր անձի արժեքային համակարգի ձևավորման հիմքում դրվում է ճշմարտությունը և սերը: Ի սկզբանե երեխայի մեջ պետք է սերմանել սեր հայրենիքի, ազգի, հավատի, ընտանիքի, ազգային արժեքների նկատմամբ, իսկ ժամանակի ընթացքում այդ սերը պետք է մեծացնել և ավելացնել, հասցնել գիտակցական ամենաբարձր մակարդակին: Այդ ամենի համար պետք է կարևորագույն բոլոր արժեքները սինթեզվեն և դառնան կուռ ամբողջություն:

Կարևոր արժեք է համարվում ճշմարտությունը, հատկապես բարու և գեղեցիկի հետ կապվելիս: Անձի մասին կարելի է դատել նրան առավել բնորոշ արժեքներով, որոնք գոյացնում են անձի ներաշխարհը: Իսկ ինչ վերաբերում է ազգային արժեքներին, դրանք բախտորոշ նշանակություն ունեն և ձևավորվում են պատմական զարգացման ընթացքում, կազմում ներկա կեցության հիմքը և դառնում բնականոն գոյության և անխափան զարգացման երաշխիքը: Ժամանակակից աշխարհում տեղի ունեցող որակական և բովանդակային բազմաթիվ փոփոխություններ կարծես մարտահրավերներ են ստեղծում արժեքային համակարգում՝ կշռքի մի նժարին դնելով ազգային - ավանդական արժեքները, մյուսին՝ համամարդկային արժեքները:

Գրականության ակնարկ` Արժեքներ

Պատմությունը և գրականությունը ժողովրդի հավաքական հիշողությունն են, նրա կենսագրությունը: Եթե պատմությունը ժողովրդի անձնագրային կենսագրությունն է, ապա գրականությունը, մասնավորապես «Սասնա ծռեր» Էպոսը, նրա գեղարվեստական պատմությունն է: Հայ ժողովուրդն աշխարհի հնագույն ժողովուրդներից է: Նա պատմական ասպարեզ է իջել անհիշելի ժամանակներից և անցել զարգացման բարդ ու դժվարին, բայց և փառավոր ու հերոսական ճանապարհ: Գալով հազարամյակների խորքերից՝ հայ ժողովուրդը կերտել է խիզախումներով ու մաքառումներով, կորուստներով ու ձեռքբերումներով, մտքի թռիչքներով ու արարումներով լի հարուստ պատմություն ու մշակույթ¹ :

Հայի ամբողջական կերպարի, ազգային նկարագրի, նրա բարոյական արժեքների, ինքնատիպ մտածողության, գոյապայքարի, ապրելու իրավունքը հաստատելու մի ամբողջական և յուրօրինակ կտավ է, գեղարվեստականի և պատմականի ինքնատիպ սինթեզ է մեր դյուցազներգությունը: Ուրիշ ոչ մի ստեղծագործության միջոցով այդքան համակողմանի և ամբողջական չես կարող տեսնել ցանկացած ազգի պատմական, ազգային և բարոյական նկարագիր, որքան յուրաքանրյուր ժողովրդի Էպոսի միջոցով, արժեքներ կրող սոցիալապես ակտիվ անձ և քաղաքացի, բացահայտել նրա անձնային որակները, ապահովել սեփական ներուժին համապատասխան:

1 Անձի հոգեբանության տեսական և կիրառական հարցեր, ԵՊՀ, Երևան, 2016թ. էջ 236:

Գրական հարուստ ժառանգության իմացությունն ու յուրացումը ամեն մի հայի, Հայաստանի հանրապետության ապագա քաղաքացու պարտականությունն է: Հայ գրականության դասավանդման հիմնական նպատակներից են՝ սովորողին հիմնարար գիտելիքներ տալ հայկական քաղաքակրթության մասին, զարգացնել սովորողի ճանաչողական, սոցիալական և անհատական կարողություններն ու հմտությունները, ամրապնդել սովորողի հարգանքն ու հպարտությունը հայրենիքի, սեփական պատմության, ավանդույթների և ազգային առանձնահատկությունների հանդեպ, դաստիարակել ազգային ու համամարդկային արժեքներ կրող սոցիալապես ակտիվ անձ և քաղաքացի, բացահայտել նրա անձնային որակները, ապահովել սեփական ներուժին համապատասխան ուսումնական, աշխատանքային և գործունեության այլ տեսակների մեջ նրա մասնակցությունը: Առարկայի դասավանդման գլխավոր խնդիրն է՝ ազգային և համամարդկային արժեքների իմացության և արժևորման միջոցով նպաստել աճող սերնդի ազգային նկարագրի ամբողջացմանը: Հետևաբար, մնում է պարզել՝ ինչ են իրենցից ներկայացնում արժեքն ու արժեհամակարգը:

Արժեքն ինչ-որ բանի կարևորությունը, նշանակությունն ու օգտակարությունն է: Արժեքային համակարգը կատարում է ամենօրյա կողմնորոշման դեր մարդու առարկայական և սոցիալական գործունեության մեջ: Արժեքը աշխարհի յուրահատուկ ընկալումն է, որը ձևավորվում է ոչ միայն ձեռք բերված գիտելիքի և ինֆորմացիայի, այլև սեփական կենսափորձի հիման վրա: Մշակույթը խիստ կապված է մարդու արժեհամակարգի հետ: Նեղ իմաստով՝ արժեքը մարդու համար իրի, առարկայի կամ երևույթի դրական նշանակությունն է: Արժեքը մարդու վերաբերմունքն արտահայտող ցուցանիշ է, որի կարևոր կատեգորիաներից են՝ հավատն ու սերը: Հավատը ծնում է հույս և մղում մարդուն ապրելու, ստեղծելու, արարելու: Հավատը դառնում է կողմնորոշիչ մարդու կյանքի և գործունեության համար: Մարդիկ քանի դեռ ապրում են, հավատում են, քանի դեռ հավատում են, ապրում են: Սերը մյուս մարդկանց հետ միավորվելու ձգտումն է: Սիրո մեջ միավորվում են մարդու արժեքային պատկերացումները: Այն բաղկացած է մի քանի մակարդակներից՝ այլասիրություն և եսասիրություն: Այլասիրությունը ուրիշին սիրելու, իսկ եսասիրությունը սեփական անձը սիրելու երևույթն է: Նաև կան սիրո առանձնացված դրսևորումներ: Օրինակ սերը անհավասարների միջև, երբ միայն

տալիս ես՝ առանց վերադարձի ակնկալիքի: Սիրո այդ ձևն անվանում են մայրական: Հաջորդը սերն է հավասարների միջև, երբ ինչքան տալիս, նույնքան ստանում ես: Օրինակ՝ եղբայրական սերը:

Հաճախ արժեք է համարվում ճշմարտությունը, հատկապես բարու և գեղեցիկի հետ կապվելիս: Ճշմարտությունը միայն որոշակի սոցիալ-մշակութային պայմաններում է ձեռք բերում արժեքային նշանակություն, իսկ գոյաբանական և իմացաբանական իմաստներով ըմբռնված ճշմարտությունը արժեքաբանորեն չեզոք է: Կյանքում հաճախ ճշմարտությունը զոհաբերվում է արժեքների:

Արժեքները բավարարում են սուբյեկտի կենսական պահանջմունքները և իմաստավորում են կյանքը: Անձի մասին կարելի է դատել նրան առավել բնորոշ արժեքներով, որոնք գոյացնում են անձի ներաշխարհը: Իսկ ինչ վերաբերում է ազգային արժեքներին, դրանք բախտորոշ նշանակություն ունեն և ձևավորվում են պատմական զարգացման ընթացքում, կազմում ներկա կեցության հիմքը և բնականոն գոյության ու անխափան զարգացման երաշխիքը: Ազգին հատուկ արժեքներն արտացոլվում են նրա ինքնագիտակցությանը տարբեր ձևերում՝ արվեստի, փիլիսոփայության, բարոյականության, կրոնական պատկերացումների, բանահյուսության մեջ: Ազգի արժեհամակարգը պետք է յուրացնի յուրաքանչյուր անհատ՝ հանրության մեջ բնականոն գործելու համար: Այսպիսով անհրաժեշտ է տարբերակել արժեք-միջոց և արժեք-նպատակ հասկացողությունները. Օրինակ՝ <<իշխանությունը>> մի բան է որպես միջոց, մեկ այլ բան՝ որպես նպատակ, նմանապես փողը և փառքը: Երբ իշխանությունը, փողն ու փառքը դառնում են անձի գերագույն արժեք, դա հիվանդագին և ախտածին երևույթ է, մինչդեռ որպես միջոց՝ դրանք համարվում են կյանքի ընդունելի ու անհրաժեշտ տարրեր: Արժեքները ընդհանուր համոզմունքներ են, որ անհատն ունի այն ցանկալի նպատակների վերաբերյալ, որոնց պետք է ձգտել կյանքում: Դրանք գործողության շարժառիթ են և նաև ծառայում են որպես ուղենշային սկզբունքներ՝ որոշելու , թե ինչպես գործել: Արժեքների ավելին են, քան կոնկրետ գործողությունները և համատեքստերը, և դրանք ունեն նորմատիվ հրահանգավորման բնույթ՝ ներկայացնելով, թե ինչ է պետք անել կամ մտածել բազմաթիվ տարբեր իրավիճակներում: Արժեքները չափանիշներ կամ չափորոշիչներ են առաջարկում՝ այլոց գործողությունները գնահատելու, կարծիքները , մոտեցումներն ու վարքը հիմնավորելու, այլընտրանքներից որևէ մեկն ընտրելու, վարքագիծը պլանավորելու և այլոց վրա ազդելու համար:

Առանձնացնենք նաև արժեք-արժանիքները, որոնք անձի համար ոչ միայն կենսականորեն անհրաժեշտ բարիք են, այլ նաև ցանկալի հատկություն: Արժեք-արժանիքների ըմբռնումը կարևոր է <<անհատ-ազգ>> փոխհարաբերությունների կարգավորման առումով: Բոլոր անձնային հատկությունները հանդիսանում են տվյալ անձի արժանիքները, մասնավորապես <<հաստատականություն>>, <<աշխատասիրություն>>, <համբերատարություն>> և այլն: Պետք է տարբերակել ազգային արժանիքներ հասկացողությունը, որում առանձնանում է ազգային-պետական միաբանության ապահովումը: Միաբանության ապահովման մեջ վճռորոշ դեր են խաղում երեք հիմնական արժեք-արժանիքներ՝ արժանապատվություն, արդարամտություն, աշխատասիրություն: Արժանապատվությունը սեփական <<Ես>>-ի արժեքի գիտակցումն է: Դա անձի վարքի, արարքների, իրավունքների գնահատականն է, անձի ինքնագնահատականը:

Ազգային արժանապատվությունը սեփական ազգի արժանիքների, վաստակի, իրավունքների գիտակցումն է, ինքնահարգանքը՝ որպես ազգի ներկայացուցիչ:

Արդարամտությունը այլոց ճշմարիտ, արդարացի գնահատումն է: Եթե արժանապատվությունը անձի հարգանքն է իր հանդեպ, ապա արդարատությունը հարգանքն է ուրիշների հանդեպ: Այսպիսով արդարամտությունը ոչ միայն անդրադառնում է մեր սեփական ինքնագնահատականի վրա, այլ նաև ազդում է դրա վրա: Աշխատասիրությունը աշխատանքի հանդեպ անձի դրական վերաբերմունքն է: Այն բացառիկ կարևորություն ունի և առաջընթացի գլխավոր նախադրյալն է: Վերը նշված արժեք-արժանիքները խիստ փոխկապակցված են և դրանցից յուրաքանչյուրի բացակայությունը հանգեցնում է որևէ էական խնդրի առաջացման: Յուրաքանչյուր ազգի կայունության և անկախության կարևոր երաշխիքն է ճիշտ ազգային- արժեքային համակարգի ստեղծումն և պահպանումն է:

Ազգային արժեքային համակարգի գլխավոր նպատակը կայացած անհատներ դաստիարակելն է: Օրինակ՝ ինչ-որ մեկը կարող է պատասխանատու, ինքնաբավ և քաղաքականապես քաջատեղյակ քաղաքացի լինել տոտալիտար դիկտատուրայի պայմաններում, եթե նրա դատողությունների, որոշումների և գործողությունների հիմքում համաժողովրդական արժեքների շարք է դրված: Այսպիսով՝ այս շրջանակի մոդելում պարունակված արժեքներն ընկած են ժողովրդավարական կարողությունների անմիջապես սրտում և առանցքային

նշանակություն ունեն այդ կարողությունների բնութագրման համար:
Արժեքների մի մեծ խումբ հիմնված է այն ընդհանուր համոզմունքի վրա , որ բոլոր անհատներն ունեն հավասար արժեք ու հավասար արժանապատվություն , հավասար հարգանքի արժանանալու և մարդու իրավունքների ու հիմնարար ազատությունների նույն շարքից օգտվելու իրավունք , և պետք է համապատասխան վերաբերմունքի արժանանան: Այս համոզմունքը ենթադրում է, որ մարդու իրավունքները համամարդկային են, անօտարելի ու անբաժանելի և առանց տարբերակման տարածվում են բոլորի վրա :Մարդու իրավունքներն ապահովում են պաշտպանությունների նվազագույն շեմ, որը շատ կարևոր է մարդկանց՝ արժանապատիվ կյանքով ապրելու համար, և մարդու իրավունքներն աշխարհում ապահովում են ազատության , հավասարության , արդարության և խաղաղության այս առանցքային հիմքը: Արժեքների հաջորդ այլ խումբ հիմնված է այն ընդհանուր համոզմունքի վրա, որ հարկ է դրական վերաբերվել, գնահատել ու փայփայել այլ մշակութային պատկանելիություններին, մշակութային փոփոխականությանն ու բազմազանությանը և տեսակետների, կարծիքների ու գործելակերպի բազմազանությանը: Այս համոզմունքը ենթադրում է , որ մշակութային բազմազանությունը կարևոր արժեք է հասարակության համար , մարդիկ կարող են սովորել և օգուտ քաղել այլոց բազմակարծությունից, մշակութային բազմազանությունը պետք է խթանել և պաշտպանել, պետք է ոգևորել մարդկանց, որ շփվեն միմյանց հետ ` անկախ մշակութային տարբերությունների մասին իրենց ընկալումներից, իսկ միջմշակութային երկխոսությունից պետք է օգտվել հասարակության մեջ որպես հավասարների ` միասին ապրելու ու ժողովրդավարական մշակույթը զարգացնելու համար:
Արժեքների մեկ այլ խումբ հիմնված է մի խումբ համոզմունքների վրա առ այն , թե հասարակություններն ինչպես պետք է գործեն և կառավարեն ներառյալ այն համոզմունքները, որ բոլոր քաղաքացիները պարտադիր պետք է հնարավորություն ունենան հավասար կերպով մասնակցելու հասարակությունը կարգավորող օրենքների սահմանման և ստեղծման ընթացակարգին: Բոլոր քաղաքացիները հասարակության ներսում պետք է ակտիվորեն մասնակցեն ժողովրդավարական գործընթացներին, թեև որոշումները պետք է կայացվեն մեծամասնության կողմից, սակայն նաև պետք է ապահովվել արդարացի և հավասար վերաբերմունք բոլոր տեսակի փոքրամասնությունների նկատմամբ, սոցիալական արդարությունը, անկողմնակալությունը և հավասարությունը պետք

Է աշխատեն բոլոր մակարդակներում: Այսպիսով՝ պետք է հաշվի առնել, որ մշակույթն ու արժեքը չեն նույնանում, բայց և այնպես մշակույթում ստեղծված լավագույն հատկանիշը արժեքն է: Այն անհատներն ու ազգերը, ոոնք ապրում են արժեքների գերակայությամբ, բարձր ոգեղեն հատկանիշներով ապրող ազգեր և անհատներ են, իսկ երբ նվազում են արժեքները, վրա է հասնում ոգու սովը: Ոգեղենությունը պետք է հատուկ լինի բոլորին, հատկապես՝ մտավորականությանը, որը համարվում է ազգի ինտելեկտուալ խիղճը: Ամփոփելով արժեքների ուսումնասիրման տարաբնույթ ասպեկտները՝ մենք տեսնում ենք , որ արժեքների հայեցակարգի վրա հիմնված հետազոտությունները կարող են վերաբերվել մարդկային կյանքի տարբեր ոլորտներին: Արժեքները առանցքային են մարդկային մտքի , զգացմունքների և վարքագծի մեջ: Դրանք մշակույթի անքակտելի մաս են կազմում , և հետևաբար արժեքների միջմշակութային հետազոտությունները թույլ են տալիս հասկանալ մշակութային տվյալ ժամանակաշրջանի բնորոշ խնդիրները: Տարբեր տեսաբաններ օգտագործում են տարբեր մշակութային չափումներ՝ ինդիվիդուալիզմ-կոլեկտիվիզմ, ֆեմինիստություն մասկուլինություն, ներդաշնակություն, հավասարություն և այլն, որոնց բազմազանությունը թույլ է տալիս վեր հանել արժեքներով պայմանավորված հասարակական առանձնահատկությունների ամբողջ համախումբը²:

2019

2 Սարգսյան Ա.Ա., Համամարդկային և ազգային արժեքները սոցիալական տարբեր ինստիտուտներում, հոդված, ԵՊՀ, Իջևան

Ազգային և համամարդկային արժեքների հարաբերակցությունը և կարևորությունը նոր սերունդների դաստիարակության գործում

Ժամանակակից աշխարհում տեղի ունեցող որակական, բովանդակային բազմաթիվ փոփոխություններն իրենց անմիջական գործունեությունն են ունենում անձի ձևավորման, արժեքային համակարգի փոփոխման, սոցիալականացման վրա: Սոցիալական ինստիտուտները երբեմն դժվարանում են իրականացնել իրենց գործառույթները, քանի որ տեղի է ունեցել բարոյամշակութային արժեքների վերախմաստավորում: Անձի սոցիալականացման տարբեր փուլերի ընթացքում խոր հակասություններ են ստեղծվում համամարդկային և ազգային, հասարակական և անձնային արժեքների միջև: Տարիքային շրջաբաժանմանը զուգընթաց փոփոխվում են բարոյամշակութային արժեքները, որոնք ուղղակիորեն արտահայտվում են անձի աշխարհայացքում, դաստիարակվածության, կրթվածության, զարգացվածության մակարդակում, վարքագծում, հաղորդակցական մոդելներում: Համաաշխարհայինացմամբ պայմանավորված հասարակական արժեքների ձևավորման հիմքում ընկած քաղաքական, տնտեսական, մշակութային, կրոնական և այլ գործոններ երբեմն խոչընդոտում են անհատի անձի ներդաշնակ և լիարժեք ձևավորմանը: Ամեն մի ժողովրդի կյանքում դաստիարակության խարիսխը, մարդկային բանականության հաստատման համար միակ ճշմարիտ ճանապարհը այնպիսի քաղաքացու ձևավորումն է, որն իր մեջ կրի իր իսկ ազգին հարիր, իր նախնիներից ժառանգած ազգային արժեքները: Վերջիններս մարդու խմբային ինքնության բոլոր դրսևորումներում դիտարկվում են որպես «ամենահիմնարարն ու տարողունակը»: ³

3. Սարգսյան Ա.Ա., Համամարդկային և ազգային արժեքները սոցիալական տարբեր ինստիտուտներում, հոդված, ԵՊՀ, Իջևան, 2019:

ԱԶԳԱՅԻՆ ԵՎ ՀԱՄԱՍԱՐԴԿԱՅԻՆ ԱՐԺԵՔՆԵՐԻ ԴՐԱԵՎՈՐՈՒՄՆԵՐԸ «ՍԱՍՆԱ ԾՌԵՐ» ԷՊՈՍՈՒՄ


Համառոտ ակնարկ Էպոսի մասին. բանահյուսական ստեղծագործությունն է, որն արդեն հուշում է Էպոսի ազգային-ժողովրդական մոտիվների առկայության մասին:

Ասացողների կողմից պատմվել է 160 պատում ,որոնք իրենց վրա կրում են ասացողների անհատական մոտեցման կնիքը; Բանահավաքների կողմից գրի առնված պատումներից 60-ի հիման վրա Էպոսի ստեղծման 1000 ամյակի կապակցությամբ՝ 1939 թվական, կազմվել է համահավաք բնագիրը՝ Սասունցի Դավիթ վերնագրով; Համահավաք բնագիրը անվանվել է Էպոսի երրորդ ճյուղի գլխավոր հերոսի անունով ,որը համարվում է հայ ժողովրդի հավաքական կերպարը, ազգային արժեքների ամբողջական կրողն ու ներկայացնողը:

Էպոսն ունի պատմական հիմքեր՝ հայերի պայքարն է արաբ նվաճողների դեմ:

Այսպիսով՝ հատվածաբար և օրինակներով ներկայացնենք ազգային և համամարդկային արժեքների դրսևորումները «Սասնա ծռեր» էպոսում; Ստորև ներկայացնենք Էպոսի չորս ճյուղերը, որոնք կապակցված են գլխավոր հերոսների սերնդակցությամբ.





<p>Նախնիներին հիշելը</p>	<p>Ղյուզագներգության բոլոր ճյուղերը սկսվում են նախնիներին «օղորմի» տալով.</p> <p>Ղառնամ գօղորմի տի տանք</p> <p>Խանդուբ խանումին.</p> <p>Քառսուն օղորմի:</p> <p>Ղառնանք, գօղորմի տի տանք</p> <p>Թառլան Ղավթին.</p> <p>Հազար օղորմի</p>
<p>Հավատին անսասան լինելը</p>	<p>Հայոց խաչապաշտ Գագիկ թագավորը չի համաձայնում աղջկան կնության տալու կռապաշտ խալիֆին;</p> <p>Նույն արժեքի կրողն էր նաև նրա դուստր Ծովինարը,որ այդպես էլ իրեն մոտ չի թողնում կռապաշտ խալիֆին;</p>
<p>Հայրենի երկիր վերադառնալը</p>	<p>Ծովինարի ջրածին որդիների փախուստը խալիֆից և ապաստանելը իրենց պապի երկրում՝ հայոց աշխարհում՝ չնայած զանազան գրկանքներին;</p> <p>Հայրենի տուն է վերադառնում նաև գղջացող Մեծ Միերը;</p>
<p>Կառուցող-շինարար ոգին</p>	<p>Սանասարն ու Բաղդասարը գտնում են</p>

	<p>բարակ առվի ակունքը և այնտեղ էլ սան-սուն քարերով կառուցում իրենց բերդը: Մեծ Մհերը կառուցում է Մարութա վանքը:</p> <p>Մսրա Մելիքի կողմից քանդվելուց հետո այն վերակառուցում է Սասունցի Դավիթը;Նա նաև, սարից «ջոջ քարերով գլորելով» ,կամուրջ է կառուցում,որ մարդիկ գետը չընկնեն;</p> <p>Հիշարժան է հայ հողագործի հետևյալ իմաստուն ու թևավոր խոսքը .«Աշխարհ գութանի մոտ կը լիանա»:</p>
Տարեցի նկատմամբ հարգանքը	Բերդը անվանակոչելու համար դիմում են ծերունուն,ու՛մ շալակած պտտում են բերդի շուրջ,որ անուն որոշի:
Ծնողասիրություն	Սանասարն ու Բաղդասարը սպանում են խալիֆին` ազատելով և հայրենիք վերադարձնելով անձնուրաց Ծովինարին:
Ժողովրդասիրությունը	Ծովինարը ,հանուն իր ժողովրդի փրկության, ամուսնացավ կռապաշտ խալիֆի հետ և լքեց հայրենի տունը:
Կանացի արիությունը	<p>Հայ կանանց արիության մասին դեռ 5–րդ դարում պատմիչ Եղիշեն է հիշատակել իր «Վասն Վարդանայ և հայոց պատերազմին» աշխատության մեջ:</p> <p>Դեղձուն- Ծամը,Բուռնկիկ-Ջալալին հեծած, քաջաբար անառիկ պահեց Սասնա տունը ,մինչև մեծացան</p>

	տղաները: Խանդուղը որքան գեղեցիկ էր,նույնքան էլ արի ու քաջ էր՝ «Առյուծն՝ առյուծ է, Էղևի Էգ թե որձ»:
Հայոց օջախի շարունակությունը	Արմաղանը ներեց Մեծ Սիերին միայն նրա համար ,որ Սասնա տան ճրագը չմարի, և ծնվեց Սասնա Դավիթը:
Ազատատենչություն և պատվասիրություն	Սասնա հերոսները հանուն ազատության և ազգի բարօրության կռվում են թշնամու դեմ և ժողովրդին ազատում են ծանր հարկերից;Այդ արժեքն առավել դիպուկ է արտահայտվում համահավաք կերպարի՝ Սասունցի Դավթի միջոցով, Որը դեռ մանկուց չէր հանդուրժում բռնությունը և չի ենթարկվում Մարա Մելիքին:
Չգայուն ներաշխարհով,խղճով և մարդասիրությամբ օժտված լինելը	Որքան էլ կռվում են թշնամու դեմ,այնուամենայնիվ Սասնա հերոսները օժտված են նուրբ հոգով,ավելի պարզ են ,չունեն խորամանկություն . Փոքր Սիերը ,լսելով ծնողների մահվան լուրը,երեք օր ողբում է ծնողների գերեզմանին, Ձենով Օհանն անընդհատ զգում է Դավթին սպառնացող վտանգը
Խաղաղասիրություն,մեծահոգություն	Սանասարն ու Բաղդասարը իրենց տունը կառուցելուց առաջ կառուցում են գյուղացիների տները, Մեծ Սիերը հաշտության և եղբայրության դաշինք է կնքում Մարա Մելիքի հետ,Սասունցի

	<p>Դրավիժը խնայում է Մսրա Մելիքի անմեղ գործին:</p>
<p>Իմաստություն</p>	<p>Հայ ժողովրդի իմաստությունն են մարմնավորում Արտատեր պառավը,Քեռի Թորոսը,Ձենով Հովանը, որոնք, իրենց կյանքի իմաստությամբ և փորձով օժտված,իրենց խրատներով ու խորհուրդներով օգնում են Սասնա քաջերին,կանխում նրանց սխալները և ճիշտ ուղղություն տալիս:</p>
<p>Հավատը,հույսը և լավատեսությունը</p>	<p>Սասնա հերոսները,երբ ինչ-որ փորձանքի մեջ էին հայտնվում,հիշում էին« Մարութա Բանձր Աստվածածինը» և ցանկացած դժվարությունից դուրս գալիս: Այդպես դավիժը դուրս է գալիս հորից,որի մեջ իրեն գցել էր Մսրա Մելիքը:</p> <p>Փոքր Միերի կերպարի միջոցով արտացոլվում է հայ ժողովրդի լավատեսությունը:Նա հույսով փակվում Ագռավաքարում՝ հուս ունենալով .որ մի օր կվերականգնվի արդարությունը:</p> <p>Որոշում է դուրս գալ միայն այդ ժամանակ և հղում է հետևյալ պատգամը.</p> <p>Քանի աշխարհք չար է, Մեջ աշխարհքին ես չեմ մնա, Որ աշխարհք ավերվի, մեկ էլ շինվի, Երբ որ գորեն էղավ քանց մասուր</p>

	<p>մի, Ու գարին էղավ քանց ընկույզ մի, Էն ժամանակ հրամանք կա, որ Էլնենք էդտեղեն:</p>
--	--

16

Համամարդկային արժեքները «Սասնա ծռեր» Էպոսում

Սեր	<p>Սերն իր տարբեր կողմերով դրսևորվում է Էպոսում՝ Հայրենիքի սկատմամբ Սեփական անձի սկատմամբ՝ Չմշկիկ Սուլթանի կերպարը Ընտանիքի սկատմամբ Երեխաների սկատմամբ Բնաշխարհի սկատմամբ</p>
Նվիրվածություն	<p>Էպոսի յուրաքանրյուր հերոս իր ուրույն նվիրվածությունն ունի հայրենիքի, ընտանիքի, սեփական արժեքների սկատմամբ</p>
Կրթություն	<p>Սասնա հերոսներին դեռ մանկուց կրթում են՝ Մանուկ Սանասարին և Բաղդասարին</p>

	կրթում ԷՃովինարի հետ Բաղդադ գնացած հայ քահանան:Մեծ Միերն Էլ ,երբ դառնում է յոթ տարեկան, Էնոր վանք-վարժատուն դրին. Քիչ մի սորվավ,շնորհքով լցվավ...
Մարդասիրություն	Սասունցի Դավիթը խնայում է ծեր արաբին և Մարա Մելիքի զորքին, Մեծ Միերը Սասունի ժողովրդին ազատում առյուծի շրջափակումից
խոստումը պահելը	Մեծ Միերը ,իր խոստումի համաձայն,գնում է Մաըր `տեր կանգնելու Մարին և Մարա Մելիքի ընտանիքին, Դավիթը իր խոստումը կատարելու համար գնում է Չմշկիկ Սուլթանի մոտ, Գնում է Գյուրջիստան` փահլևանների ամուսնացնելու:

Ասվածը ներկայացնենք դասի օրինակով

Դասի պլան

Թեմա	Ազգային և համամարդկային արժեքները «Սասնա ծռեր» էպոսում
Առարկա	գրականություն
Օգտագործվող դիդակտիկ նյութեր	Դասագիրք,տետր,թեմատիկ պաստառներ,համակարգիչ
Դասի ընթացք	Դասը ներկայաց խԻԿ-ի սկզբունքով Խթանման փուլ ` հարցերի միջոցով պարզել աշակերտների իմացությունը ժողովրդական բանահյուսությունից,բանահյուսական ստեղծագործությունների ժանրային

	<p>առանձնահատկություններից:</p> <p>Իմաստի ընկալում՝ ներկայացնել</p> <p>Ա մակարդակ՝ Էպոսի կառուցվածքը, ստեղծման պատմությունը, համահավաք բնագիրը, գլխավոր հերոսներին, պատմական ժամանակաշրջանը:</p> <p>Բ մակարդակ՝ սահմանել պատում ,ասացող, բանահավաք եզրույթները, նշել հիմնական տարեթվերը, սահմանել պատումների և բանահավաք բնագրի տարբերությունները, թվարկել գլխավոր հերոսներին և նրանց կանանց:</p> <p>Գ մակարդակ՝ վերլուծել հերոսների բնավորությունը ,գտնել նմանություններ և տարբերություններ, առանձնացնել թափառիկ սյուժեների մոտիվներ, վեր հանել ազգային և համամարդկային արժեքները:</p>
<p>Վերջնարդյունք</p>	<p>Աշակերտը պետք է կարողանա բացատրել «արժեք» հասկացությունը, Էպոսում օրինակներով ներկայացնել ազգային և համամարդկային արժեքները, փոխադարձ կապ ստեղծել հայի պատմական կերպարի հետ, տեսնել անդրադարձը նոր ժամանակներում և ազդեցությունն իր անձի վրա :</p>
<p>Գործողություն՝ 45 րոպե</p>	<p>Կարճ դասախոսություն, հարց և պատասխան, խմբային աշխատանք, հարցաշար-աղյուսակ, մեթոդներ՝ վեկի դիագրամ, մտագրոհ, շրջուն դասարան, միջառարկայական կապի ստեղծում , հայտորոշիչ թեստ</p>
<p>Ընթացք՝ խթանում 5 րոպե</p>	<p>Դասախոսությամբ ներկայացնել նյութը, բացատրել առաջադրանքը</p>
<p>Իմաստի ընկալում՝ 25 րոպե</p>	<p>Դասարանը բաժանել խմբերի ,յուրաքանչյուր խմբի տալ մեկ թեմա՝ «Սասնա ծռեր Էպոսի ստեղծման պատմությունը», «Ազգային արժեքներն Էպոսում», «Համամարդկային արժեքներն Էպոսում»: Լսել խմբերին և քննարկել:</p>

Անդրադարձ` 7 թույլ	Չայտորոշիչ թեստով ստուգել, թե որքանով թեման յուրացրին աշակերտները, և ինչ նստվածք տվեց:
Գնահատում` 5 թույլ	Միավորային, ձևավորող
Տնային առաջադրանք` 3 թույլ	Աղյուսակի տեսքով ներկայացնել գլխավոր հերոսներին և նրանց միջոցով ներկայացվող ազգային և համամարդկային արժեքները

ԵՉՐԱԿԱՑՈՒԹՅՈՒՆ

Այսպիսով, ամփոփելով հետազոտական աշխատանքը, եկանք այն համոզման, որ յուրաքանչյուր ազգի բնավորություն լավագույնս դրսևորվում է նրա Էպոսում, որով պետք է սովորեցնել նոր սերունդին ,դաստիարակել և համապատասխան օրինակներով կերտել նրանց ազգային բնավորությունը ,ազգային դիմագիծը: Այդ սերունդն է կերտելու կայուն և անկախ հայրենիք, որի համար կարևոր երաշխիքն է ճիշտ ազգային արժեքային համակարգի ստեղծումը և պահպանումը: Ազգային արժեքային համակարգի գլխավոր նպատակը կայացած անհատներ դաստիարակելն է:

Վերջիններս այն հենասյուներն են, որոնք ապահովում են մտավոր ներուժով հարուստ սերունդ ունենալու, ազգային և համամարդկային մշակութային արժեքները պահպանելու և սերնդեսերունդ փոխանցելու, արժեքային կայուն հայացքներ ունեցող, ազգին նվիրված քաղաքացիներ դաստիարակելու, կրթելու գործընթացը:

Երեխան ոչ միայն ձևավորվում ու զարգանում է, այլև հարմարվում է հասարակական կյանքին` ձեռք բերելով անհրաժեշտ գիտելիքներ, կարողություններ և հմտություններ, վարքագծային նորմեր, յուրացնելով ազգային

և համամարդկային մշակույթը: Ժամանակակից հասարակության կարևոր խնդիրներից է ազգային և համամարդկային արժեքների համադրումն ապահովելը, իհարկե առաջնային դիրքը վերապահելով ազգային արժեքներին: Մյուս տեսանկյունից հասարակությունը չի կարող զարգանալ միայն պահպանողականության հիմքի վրա, քանի որ անընդհատ գալիս է նորը՝ համալրելով եղած արժեքները: Պարզապես քայլելով ժամանակին համընթաց, հաղորդակից լինելով համամարդկային արժեքներին՝ անհրաժեշտ է առաջնայնությունը տալ ազգայինին: Արժեքները առանցքային են մարդկային մտքի, զգացմունքների վարքագծի մեջ:

Ազգային արժեքների մեջ անգնահատելի է ընտանիքի դերը՝ որպես մարդկության կողմից պատմական երկարատև զարգացման ընթացքում ստեղծված մեծագույն արժեք:

20

Այդ օրինակը լավագույնս դրսևորվեց մեր վիպերգում՝ իր վառ օրինակներով: Ընտանիքը ոչ միայն տվյալ ժամանակաշրջանի մշակույթի կրողն է, այլև փոխանցողը: Ընտանեկան ավանդույթներն ու սովորույթներն օգնում են հայեցի դաստիարակություն տալ երեխային՝ նրա մեջ ձևավորելով ազգային ինքնագիտակցության ոգի: Ոգեղենությունը պետք է հատուկ լինի բոլորին հատկապես՝ մտավորականությանը, որը համարվում է ազգի ինտելեկտուալ խիղճը: Ընտանիքում է երեխան առաջին անգամ հաղորդակցվում մշակութային արժեքներին, յուրացնում հասարակական վարքագծային նորմեր: Երեխան ընտանիքում է ձևավորում ազգային ինքնագիտակցություն, լսում և սովորում մայրենի լեզուն, ճանաչում և պահպանում պապենական արմատները, Հայ առաքելական եկեղեցու պատկանելությունը և ազգային սովորույթները:

Արժեհամակարգի ձևավորման, կրթության և դաստիարակության գործում լուրջ անելիքներ ունի նաև հայ դպրոցը, որի գերնպատակն է կերտել բարոյական, ազգային արժեքներով օժտված, ազգային նկարագիր ունեցող սերունդ: Այս նպատակն իրագործելու համար անհրաժեշտ է ուսումնասիրել ու կատարելագործել ոչ միայն հայրենի և համաշխարհային գիտությունների ճյուղերը, այլև մանկավարժության անցյալի ժառանգությունն ու նրա ժամանակակից փորձն ու մեթոդաբանությունը:

Յուրաքանչյուր սերունդ ունի իր կատարելատիպը, ըստ որի էլ չափվում են արժեքները ու նպատակները: Սերունդները օղակ են անցյալի ու ապագայի միջև, և ապահովվում է ինչպես տվյալ ժամանակաշրջանին բնորոշ արժեքների

հաջորդականությունը և փոխանցումն հետագա սերունդներին:
Ներկա սերունդը դառնում է հայելի,որի միջով տեսնում ենք անցյալը և
պատկերացնում ապագան,ուստի այդ հայելին պետք է հնարավորինս
անապական ու անբիծ պահել՝ կերտելով ազգային և համամարդկային
արժեքներով կերտված սերունդ-ազգ-հայրենիք:

с

